



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

XIV. Der Rath zu Stendal gründet die Gilde der Weber, am 13. November 1251.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

tulimus ciuitati cum omni iuris plenitudine, quod habuimus in eisdem. Vt igitur hec nostra donacio inconuulsa permaneant atque firma et ne quis eam heredum nostrorum in posterum violare valeat vel mutare, presentem paginam conscribi iussimus et sigillorum nostrorum munimine firmiter communi, Testes fideles et idoneos adhibentes, quorum nomina sunt hec: Comes Bernardus de Dannenberg, Fredericus de Kare, Johannes de Rossow, Johannes Gans, Curie nostre marscalcus, Gerardus de Kerkowe, Albertus Valie et alii quam plures milites atque serui. Datum apud Arneborg, per manum Heinrici, nostre curie notarii, Anno M^o. CC^o. XLIX, XIII Kal. maij, Indict. VII^a.

Nach dem Originale des Stend. Ratharchives No. 5.

XIII. Pappst Innocenz IV. gewährt den Minoriten das Recht, Jeden, der es wünscht, in ihren Kirchen zum Begräbniß anzunehmen, am 25. Februar 1250.

Innocentius Episcopus, seruus seruorum dei, Dilectis filiis Generali et prouincialibus ministris et aliis fratribus ordinis fratrum minorum Salutem et apostolicam benedictionem. Cum a nobis petitur, quod iustum est et honestum, tam uigor equitatis quam ordo exigit rationis, ut id per sollicitudinem officii nostri ad debitum perducatur effectum. Quapropter dilecti in domino filii uestris iustis postulationibus grato concurrentes assensu, sepulturam ecclesiarum uestrarum liberam esse decreuimus, ut eorum deuotioni et extreme uoluntati, qui se illic sepeliri deliberauerint, nullus obstat, Salua tamen iustitia illarum ecclesiarum, a quibus mortuorum corpora assumuntur. Nulli ergo omnino hominum liceat hanc paginam nostre constitutionis infringere uel ei ausu temerario contraire. Si quis autem hoc attemptare presumpserit, indignationem omnipotentis dei et beatorum Petri et Pauli apostolorum eius se nouerit incursum. Datum Lugduni, V Kalendas Marcii, pontificatus nostri anno septimo.

Nach dem Original im archival. Nachlasse des St. Annenstifters.

XIV. Der Rath zu Stendal gründet die Gilde der Weber, am 13. November 1251.

In nomine sancte Trinitatis. Consules de steindale omnibus hoc scriptum inspecturis seruium. Acta presentis temporis sepius deperire solent in futurum, nisi fuerint scripto et uoce testium solidata. Commendatum igitur esse volumus tam presentium quam futurorum memorie, quod nos habito consilio cum burgenlibus nostris uniuersis, qui uocati aderant ad ciuile colloquium, ad petitionem burgenlibus nostrorum illorum, qui funguntur officio texendi, de unanimitate consensu hoc admittimus, ut habeant quandam fraternitatem, que inunge nuncupatur, cum tali iure, sicut communiter pecierunt, sicut exprimitur et declaratur. Quicumque hanc non habuerit, ipsi pannos parare et illo

uti officio non licebit. Quicumque vero hanc fraternitatem habere decreuerit, eius pater hoc officium habuisse cognoscitur, ad introitum duos solidos dabit: inde habebit ciuitas unum solidum et ipsi fratres unum. Quicumque hoc officium habere decreuerit, cuius pater hanc fraternitatem non habuerit, tribus solidis intrabit: inde habebit ciuitas duos solidos et ipsi vnum. Quicumque hoc officium fraternitatis non intrauerit usque ad festum beati Nicolai, si postea intrare uoluerit, sex solidis obtinebit: inde habebit ciuitas III^{or}. solidos et ipsi duos. Quicumque confratrum confratrem suum ad aures percusserit, fraternitati V solidis emendabit, et si percussus repercusserit, eidem sententie subiacebit et uterque eorum V solidis emendabit: inde habebit ciuitas dimidiam partem et ipsi dimidiam. Similiter quicumque confrater confratrem suum uulnerauerit, V solidis emendabit. Dicta pars cedit in usum ciuitatis et dicta pars in usum fratrum. Quicumque confrater confratrem suum maletractauerit uerbis et leccatorem ipsi dederit, si uictus fuerit, confratribus III^{or}. solidis emendabit: inde habebit ciuitas duos et ipsi duos. Quicumque pannum parauerit, quod in latitudine XXX filis caruerit, VI denariis emendabit. Si uero LX filis caruerit, solidum emendabit: sex denarios inde habebit ciuitas et ipsi sex. Quicumque pannum inaequalem parauerit, duobus solidis emendabit, inde habebit ciuitas I solidum et ipsi vnum. Quicumque pluribus quam duobus flaminibus scilicet Tov pannos parauerit, officio suo carebit; quod si iterato habere uoluerit, X solidis obtinebit: inde habebit ciuitas V solidos et ipsi V. Quicumque falsum pannum parauerit et fila falsa habuerit, utrumque publice comburetur. Insuper officium suum per hoc perdidit; quod si in posterum habere uoluerit, X solidis obtinebit: dicta pars cedit in usum ciuitatis et dicta pars in usum ipsorum. Insuper quicquid ipsis et ciuitati utile et bonum fuerit habeant pro suo iure. Omne igitur dubium, quod forte emergere possit in posterum, presenti scripto et sigilli nostri testimonio amputamus. Consules huius institutionis sunt Rubbertus gerleus, Johannes puer, Johannes gerdanci filius, heinricus storm, Teodericus de wegeleue, wilhelmus de Jericho, Gerardus rimfenider, Wescelus filius Gifelberti, Godekynus de seluden, Johannes de Rokence, Engelbertus de saltwedele. Item alii burgenfes affuerunt Gifelbertus pellifex, Johannes filius eius, Johannes filius Anselmi, amelius de angulo, Arnoldus cum lino, Ezcelinus et Rodengerus fratres, Jacobus sclauus et Adam sclauus, Antonius spotegeile, Cuno de fanne, heinricus de brunswich, Teodericus de osterborch. Item ipsi officiales affuerunt Heinricus de borstelle, Arnoldus de borch, Teodericus de bodinge, Teodericus de Arneborch, Gerardus mester, Bernardus de Gardeleue, Teodericus de huzeliz, Hermannes de borch, Fredericus de Wedinge, Wolterus de borch, Johannes de dico, Wolterus minte, Reinerus friso, Heidenricus de Jericho, Marfilius de Brunswich. Acta sunt in steindale, Anno M^o. CC^o. LI^o. XIII^o. nouembris sub dominio gloriosorum principum Johannis et Ottonis de brandenborch marchionum.

Nach dem Originale des Stendalschen Rathesarchives No. 6.

NB. Das s am Ende ist in der Urkunde in der Regel ein langes.